

欽定重修兩浙鹽法志

欽定重修兩浙鹽法志卷十九

沿革一

自鹽絺致貢見於夏書成周有山澤之賦有商賈
阜貨通財雖不專爲鹽設而鹽亦寓乎其中至管
子以海王名篇實爲鹽法權輿矣漢興鹽鐵置官
會稽有海鹽鹽官載於班固地理志唐多設鹽鐵
之使惟劉晏爲最善其上鹽法輕重之宜立常平
鹽法輕稅減價課以日增宋元法制迭有改易明
代始因邊儲告匱召商報中以淮浙存積鹽給之

其繼也商人候支無期報中寢怠存積之弊遂與
常股相等蓋委用不得其人重爲稅額復加以格
外徵求倚勢作威剝商病民窮村遠壤有經月不
得鹽食者至於商民交困而邊餉亦絀國家亦不
得收其利矣舊志沿革一門上遡三代下訖勝朝
時異政殊有良有秕條而列之亦是非得失之林
也茲復詳加采摭補其闕遺志沿革

書禹貢海岱惟青州厥貢鹽絺大學衍義補鹽之名始
著於此浙江通志此海鹽入貢之始

禮記醯醢之美而煎鹽是尚貴天產也

周禮鹽人掌鹽之政令以其百事之鹽祭祀共其苦鹽

散鹽

注散鹽鬻水為鹽疏苦當為鹽鹽謂出於鹽池今之顆鹽是也散鹽煮水為之出於東海賓

客共其形鹽散鹽

注形鹽鹽之似虎形

王之膳羞其飴鹽后及

世子亦如之

注飴鹽鹽之恬者今戎鹽有焉戎鹽即石鹽是也

凡齊事鬻鹽

以待戒令

注齊事和五味之事

管子海王篇海王之國

海王者言以負海之利而王其業

謹正鹽筴

正稅

也音征

十口之家十人食鹽百口之家百人食鹽終月

大男食鹽五升少半大女食鹽三升少半吾子食鹽

二升少半

吾子謂小男小女也

此其大歷也

歷數

鹽百升而釜

十

二兩七銖

一黍十分之一為升當米六合四勺也百

升之鹽七十六斤十二兩十九銖二黍為釜當米六

斗四

令鹽之重升加分彊釜五十也

分彊半彊也今使鹽官稅其鹽

之重每一斗加半合為彊而取之

則一釜之鹽得五十合而謂之彊升加一彊釜百也

升加二彊釜二百也鍾二千

十釜之鹽七百六十八斤為鍾當米六斛四斗

十鍾二萬百鍾二十萬千鍾二百萬萬乘之國人數

問口千萬也

舉其大數而言之也問口謂大男大女之所食鹽也

禹筭之商日

二百萬

禹讀為偶偶對也商計也對其大男大女食鹽之口數而立筭以計所稅之鹽一日計二

百萬合為二百鍾

十日二千萬一月六千萬萬乘之國正九

百萬也

萬乘之國大男大女食鹽者千萬八而稅之鹽一日二百鍾十日二千鍾一月六千鍾今

又施其稅數以千萬人如九百萬人之數則所稅之鹽一日百八十鍾十日千八百鍾一月五千四百鍾

月人三十錢之籍爲錢三千萬

又變其五千四百鍾之鹽而籍其錢計一

月每人籍錢三十凡千萬人爲錢三萬萬矣以此籍之數比其常籍則當一國而有三千萬人矣今

吾非籍之諸君吾子而有二國之籍者六千萬

諸君謂老

男老女也六十以上爲老男五十以上爲男籍於老男老女又不籍於小男小女乃能以千萬人

當三千萬人者使君施令曰吾將籍於諸君吾子則

必囂號今夫給之鹽筴則百倍歸於上人無以避此

者數也桓公曰然則國無山海不王乎管子曰因人

之山海假之名有海之國

雖無海假名有海則亦雖無山假名有山雝鹽

於吾國

彼國有鹽而糴于吾國爲售耳

釜十五吾受而官出之以百

受取也假令彼鹽平價釜當十錢者吾又加五錢而取之所以來之也既得彼鹽則令吾國鹽官又出而

糴之釜以百錢也

我未與其本事也

與用也本

受人之事以

重相推

以重相推謂加五錢之類

此人用之數也

彼人所有而皆爲我用之

管子輕重篇齊有渠展之鹽

渠展齊地可煮鹽之所也

請君伐菹薪

使國人煮水爲鹽正

音征

而積之十月始正至於正月

成鹽三萬六千鍾下令曰孟春旣至農事且起大夫

無得繕冢墓理宮室立臺榭築牆垣北海之衆無得

聚庸而煮鹽庸功也若此則鹽必坐長十倍以令糶之

梁趙宋衛濮陽彼盡饋食之地本國自無鹽遠饋而食國無鹽

則腫守圉之國用鹽獨甚桓公乃使糶之得成金萬

一千餘斤古今原始鹽之立政始此

左氏傳海之鹽蜃祈望守之服虔注祈望官名爾雅釋地中有

岱岳與其五穀魚鹽生焉

說文鹽鹹也古者宿沙初作煮海鹽山堂肆考黃帝時

諸侯夙沙氏以海水煮乳成鹽魯連子宿沙瞿子善

煮鹽使煮潰沙雖十宿不能得也宋志曰宿沙衛在齊地齊居海濱故

多魚鹽
之利

史記吳王濞傳濞煮海水爲鹽以故無賦國用富饒浙
江通志兩浙煮鹽始此

史記貨殖傳彭城以東東海吳廣陵此東楚也浙江南
則越有海鹽之饒

漢書食貨志秦鹽鐵之利二十倍於古漢興循而未改
通鑑綱目武帝元狩四年冬置鹽鐵官西漢會要元狩
中兵連不解縣官大空富商大賈冶鑄鬻鹽財或累
萬金而不佐公家之用於是以東郭咸陽孔僅爲大

農丞領鹽鐵事大學衍義補鹽雖始於齊然未設官也置鹽官始此

漢書食貨志武帝時大農上鹽鐵丞孔僅東郭咸陽言

山海天地之臧宜屬少府陛下弗私以屬大農佐賦

願募民自給費因官器作鬻鹽官與牢盆

蘇林曰牢盆

世人言雇手牢如清曰浮食奇民欲擅幹山海之貨

牢虞食也盆者鹽盆也

以致富羨役利細民其沮事之議不可勝聽敢私鬻

鹽者鈇左趾沒入其器物使僅咸陽乘傳舉行天下

鹽鐵作官府除故鹽鐵家富者爲吏

漢書食貨志元封元年桑宏羊請置大農部丞數十人

分部主郡國各往往置均輸鹽鐵官

漢書地理志會稽郡縣海鹽故武原鄉有鹽官文獻通

考鹽官凡二十八郡河東安邑太原晉陽南郡巫鉅鹿堂

勃海章武千乘琅琊長廣會稽海鹽犍為南蜀臨邛益州

然巴胸安定三水北地代上郡獨西河富昌朔方沃五原

成雁門樓煩天陽有長承漁陽泉隴西遼西海陽遼東南

陽番禺蒼梧高要東平北海東萊曲城東牟當利陽樂

漢書食貨志武帝拜宏羊為御史大夫昭帝卽位六年

詔郡國舉賢良文學之士問以民所疾苦教化之要
皆對願罷鹽鐵酒權均輸官毋與天下爭利視以儉
節然後教化可興宏羊難以爲此國家大業所以制
四夷安邊足用之本不可廢也

漢書宣帝紀地節四年九月詔曰今年郡國頗被水災
已賑貸鹽民之食而賈咸貴糶庶重困其減天下鹽
賈

聖祖仁皇帝御製論漢宣帝減鹽賈詔

民隱之壅於上聞者多矣軫恤之方自當無微不至

漢書元帝紀初元五年罷鹽鐵官永光三年復鹽鐵官
漢書翟方進傳成帝綏和二年責丞相增鹽鐵稅詔曰
朕維往時之用與今一也百寮用度各有數君不量
多少一聽羣下言用度不足增益鹽鐵變更無常朕
誠怪君何持容容之計無忠固意

後漢書百官志郡有鹽官者隨事廣狹置令長及丞本
注曰凡郡縣出鹽多者置鹽官主鹽稅

文獻通考明帝時官自鬻鹽晉書食貨志章帝時穀貴
縣官經用不足尚書張林言鹽者食之急縣官自賣

鹽武帝時施行之名曰均輸帝用林言少時復止

後漢書馬援傳章和元年遷廣陵太守時穀貴民饑奏
罷鹽官以利百姓後數年轉會稽太守

文獻通考和帝卽位罷鹽鐵禁後漢書和帝紀詔曰昔
孝武皇帝致誅吳越故權收鹽鐵之利以奉師旅之
費自中興以來匈奴未賓永平末年復修征伐先帝
卽位務休力役然猶深思遠慮安不忘危探觀舊典
復收鹽鐵欲以防備不虞寧安邊境而吏多不良動
失其便以違上意先帝恨之故遣戒郡國罷鹽鐵之

禁縱民鬻鑄入稅縣官如故事其申勅刺史二千石奉順聖旨勉行德化布告天下使明知朕意

聖祖仁皇帝御製論漢和帝罷收鹽鐵詔

昭帝時舉四方賢良卽言願罷鹽鐵官迨此時邊方寧謐故毅然去之

文獻通考獻帝初置使者監賣鹽冊府元龜建安初治書侍御史衛凱曰鹽國之大寶也自亂來放散今宜如舊制置使者監賣太祖從之始遣謁者僕射監鹽官

《通典》魏制九品第六品司鹽都尉第八品司鹽監丞

《晉書》王允之傳除錢唐令領司鹽都尉

《通典》陳文帝天嘉二年太子中庶子虞荔御史中丞孔奐以國用不足奏立鬻海鹽稅從之

《資治通鑑》魏神龜中中尉甄琛乞弛鹽禁與民共之尚書邢巒以爲琛之所陳坐談則理高行之則事闕今鹽之禁積而散之以濟軍國旣利不在已則彼我一也出納之間或不如法使細民嗟怨負販輕議此乃用之者無方非作之者有失也參論理要宜如舊式

魏王卒從琛議既而利皆爲富強所專復收鹽利入
公

聖祖仁皇帝御製論甄琛請罷鹽禁

鹽之產利甚厚不操之自上則豪強互相漁奪閭閻之
間必紛囂多事矣況取山澤之資以薄田疇之賦使民
力寬然有餘其爲益不已多乎若不審度時勢輒弛其
禁則南畝之農夫不獲沾豪末之利而國用旣絀稅斂
漸加亦必至之勢也凡爲政者祇求實惠及民而已何
必以美名自託哉

隋書食貨志後周太祖作相剗制六官掌鹽掌四鹽之政令一曰散鹽鬻海以成之二曰鹽鹽引池以化之三曰形鹽物地以出之四曰飴鹽於戎以取之凡鹽鹽形鹽每地爲之禁百姓取之皆稅焉

冊府元龜隋高祖開皇元年三月戊子弛山澤之禁

隋書食貨志開皇三年正月通鹽池鹽井百姓其之遠近大悅

隋書百官志鹽池置總監副監丞等員管東西南北面等四監亦各置副監及丞

地理通釋唐天下有鹽之國一百五江南自嘉興至彭水縣十二

唐書食貨志唐有鹽池十八井六百四十皆隸度支文獻通考開元元年左拾遺劉彤請檢校海內鹽鐵之利從之舊唐書食貨志開元元年十一月左拾遺劉彤表曰先王之作法也山海有官虞衡有職輕重有術發禁有時一則專農二則饒國濟人盛事也夫鬻海爲鹽採山鑄錢農餘之輩寒而無衣饑而無食傭貧自資者窮苦之流也若能以山海厚利資農餘之

人厚斂重徭免窮苦之子所謂損有餘而益不足帝王之道可不謂然乎臣願陛下詔鹽鐵本等官收興利貿遷於人則不及數年府有餘儲矣上令宰臣議其可否咸以鹽鐵之利甚益國用遂令將作大匠姜師度戶部侍郎強循俱攝御史中丞與諸道按察使檢責海內鹽鐵之課

王海開元十年八月十日勅諸州鹽鐵令刺史上佐檢察收課

唐書食貨志負海州歲免租爲鹽二萬斛以輸司農青

楚海滄棣杭蘇等州以鹽價市輕貨亦輸司農天寶
至德間鹽每斗十錢乾元元年鹽鐵鑄錢使第五琦
初變鹽法就山海井竈近利之地置監院游民業鹽
者爲亭戶免雜徭盜鬻者論以法及琦爲諸州榷鹽
鐵使盡榷天下鹽斗加時價百錢而出之爲錢一百

一十

唐書食貨志鹽鐵使劉晏上鹽法輕重之宜以鹽利多
則州縣擾出鹽鄉因舊監置吏亭戶糶商人縱其所
之江嶺去鹽遠者有常平鹽每商人不至則減價以

糶民官收厚利而人不知貴晏又以鹽生霖潦則鹵
薄曠旱則土漚墳乃隨時爲令遣吏曉導倍於勸農
吳越揚楚鹽廩至數千積鹽二萬餘石有漣水湖州
越州杭州四場嘉興海陵鹽城新亭臨平蘭亭永嘉
大昌侯官富都十監歲得錢百餘萬緡以當百餘州
之賦自淮北置巡院十三曰揚州陳許汴州廬壽白
沙淮西甬橋浙西宋州泗洲嶺南充鄆鄒滑捕私鹽
者姦盜爲之衰息然諸道加權鹽錢商人舟所過有
稅晏奏罷州縣率稅禁堰埭邀以利者晏之始至也

鹽利歲纔四十萬緡至大歷末六百餘萬緡天下之賦鹽利居半宮闈服御軍饗百官祿俸皆仰給焉

唐書食貨志劉晏鹽法旣成商人納絹以代鹽利者每緡加錢二百以備將士春服

冊府元龜建中三年五月詔權鹽每一斗更加百文冊府元龜興元元年十月詔諸道權鹽宜令中書門下及度支裁減估價兼條疏利害以聞

唐書崔造傳貞元二年以給事中同中書門下平章事造久在江左疾錢穀諸使罔上或乾沒自私乃建言

以度支鹽鐵務還尚書省六曹皆宰相分領以戶部侍郎元琇判諸道鹽鐵諸道有鹽鐵處仍置巡院歲盡宰相計殿最以聞王海貞元二年元琇以京師錢重物輕發江東鹽監院錢四十萬緡入關

唐書食貨志貞元四年淮西節度使陳少游奏加民賦自此江淮鹽每斗亦增二百爲錢三百一十其後復增六十江淮豪賈射利或時倍之官收不能過半民始怨矣

文獻通考貞元二十年停鹽鐵使月進舊鹽鐵錢總悉

入正庫以助給費而主北務者稍以時市珍玩時新物充進獻以求恩澤其後益費歲進錢物謂之羨餘而給入益少至貞元末逐月有獻謂之月進及是而罷

唐書食貨志順宗時始減江淮鹽價每斗爲錢二百五十其後鹽鐵使李錡奏江淮鹽每斗減錢十以便民未幾復舊

舊唐書食貨志順宗卽位有司重奏鹽法以杜佑判鹽鐵轉運使理於揚州元和二年三月以李巽代之巽

既爲鹽鐵使大正其事其堰埭先隸浙西觀察使者
悉歸之因循權置者盡罷之又奏江淮河南峽內充
鄆嶺南鹽法監院去年收鹽價緡錢七百二十七萬
比舊法張其估一千七百八十餘萬非實數也今請
以其數除鬻之外付度支收其數鹽鐵使鬻鹽利繫
度支自此始也

冊府元龜憲宗卽位九月度支使奏江淮鹽每斗減錢
一百二十權二百五十

冊府元龜元和元年五月鹽鐵使奏請每州所貯鹽若

遇價貴斗至二百二十減十文出糶以便貧人公私不缺其鹽倉每州各以畱州錢造一十二間委知院官及州縣官一人同知所糶錢送院市輕貨送上都從之

舊唐書食貨志元和十三年鹽鐵使程異奏應諸州府先請置茶鹽店收稅伏准今年正月一日敕文其諸州府因用兵以來或慮有權置職名及擅加科配事非常制一切禁斷者伏以權稅茶鹽本資財賦贍濟軍鎮蓋是從權昨兵罷自合便停事久實爲重斂其

諸道先所置店及收諸色錢物等雖非擅加且異常制伏請准赦文勒停從之

冊府元龜長慶元年正月制度支鹽鐵使戶部應納稅茶兼糶鹽中須納見錢者亦與時估匹段及斛斛如情願納見錢亦任穩便仍永爲常式

唐會要鹽鐵使王播奏諸道監院糶鹽付商人請每斗加五十通舊三百文價諸處煎鹽亭場置小鋪糶鹽每斗加二十文通舊一百九十文價又奏應管煎鹽戶及鹽商並諸監院亭場官吏所繇等前後制敕除

兩稅外不許差役追擾今請更有違越者縣令貶黜
刺史罰俸從之

唐書食貨志穆宗命罷榷鹽戶部侍郎張平叔議榷鹽
法弊請糶鹽可以富國詔公卿議可否中書舍人韋
處厚兵部侍郎韓愈條詰之以爲不可平叔屈服

玉海自乾元元年至天祐元年爲鹽鐵使者四十有二
人貞元二十一年鹽鐵度支合爲一使以杜佑兼領

杜棕王涯
亦兼領

寶應元年劉晏領度支鹽鐵轉運鑄錢租

庸使鹽鐵兼轉運自晏始長慶二年張平叔請宰相

領使韋處厚曰論道之地不宜雜以嵯務

冊府元龜開成二年三月乙酉鹽鐵使奏得蘇州刺史
盧商狀分鹽場三所隸屬本州元糶鹽七萬石加至
十三萬石倍收稅額直送價錢五月以商爲潤州刺
史攝御史大夫充浙江西道都團練觀察等使唐書
盧商傳商爲蘇州刺史吏以鹽法求贏貲民愈困商
令計口售鹽無常額人便之歲貲反增宰相上其勞
進浙西觀察使

唐書食貨志文宗時李石爲相以茶稅兼歸鹽鐵復貞

元之制

唐會要文宗開成末禁私鹽詔曰私鹽月再犯者易縣令罰刺史俸十犯則罰觀察判官課料

唐書食貨志宣宗卽位茶鹽之法益密糶鹽少私盜多者謫觀察判官不計十犯是時江吳羣盜以所剽物易茶鹽不受者焚其室廬吏不敢枝梧鎮戍場鋪堰埭以關通致富宣宗乃擇嘗更兩畿輔望縣令者爲監院官

唐書食貨志戶部侍郎裴休爲鹽鐵使上鹽法八事其

法皆施行

唐書杜中立傳中立出爲義武節度使舊徭車三千乘歲輓鹽海濱民苦之中立置飛雪將數百人具舟以載自是民不勞軍食足矣

通典自兵興上元以後天下出鹽各置監司節級權利每歲所入九百餘萬貫文

文獻通考後唐同光三年勅魏府每年所徵隨絲錢每兩與減放五文逐年俵賣蠶鹽食鹽火鹽甜淡冷鹽每斗與減五十灤鹽與減三十

文獻通考 天成元年勅諸州府百姓合散蠶鹽二月內
一度俵散依夏稅限納錢

五代會要 後唐長興四年五月七日諸道鹽鐵轉運使
奏諸道州府鹽法條流元末已槩定奪如違犯者委
本州府檢條流科斷訖申奏別報省司

冊府元龜 晉天福二年九月左補闕李知損上章曰臣
聞衆議云國家將變鹽法有司卽欲宣行竊以諸道
所糶賣鹽令逐處更添一倍委州司量其屋宇均配
城內人戶每歲勒兩限俵鹽隨二稅納價此法若行

甚非穩便尋有旨寢其事

舊五代史少帝紀天福七年詔州郡稅鹽過稅斤七錢
住稅斤十錢州府鹽院並省司差人勾當冊府元龜
出帝以天福七年六月卽位十一月詔州郡稅鹽先
是諸州府除蠶鹽外每年海鹽界分約收鹽價錢一
千七萬貫高祖以所在禁法抵犯者衆遂開鹽禁許
通商令州郡配徵人戶食鹽錢上戶千文下戶二百
文分爲五等人亦便之至是掌賦者欲增財利難於
驟變前法乃重其關市之征蓋欲絕其興販歸利於

官也其後鹽禁如故鹽錢亦徵

冊府元龜周太祖廣順元年九月詔改鹽法凡犯五斤以上者處死煎鹽者犯一斤以上處死先是漢法不計斤兩多少並處極刑至是始革之

五代會要廣順二年定百姓請鹽法詔曰州城縣鎮郭下人戶依屋稅合請鹽者若是州府並於城內請給若是外縣鎮郭下人戶亦許將鹽歸家供食仰本縣預取逐戶合請鹽數目攢定文帳部領人戶請拔勒本處官吏及所在場務同點檢入城若縣鎮郭下人

戶城外別有莊田亦仰本縣預先分擘開坐勿令一處分給支使

五代會要廣順二年勅條流禁私鹽麴法一應諸道今後若捉獲犯私鹽麴人罪犯分明正該條法便仰斷遣訖奏若稍涉疑誤祇須申奏取裁

五代會要廣順三年罷俵鹽詔曰諸州府并外縣鎮城內其居人屋稅鹽今後不俵其鹽錢亦不徵納所有鄉村人戶合請蠶鹽所在州城縣鎮嚴切檢校不許放入城門

舊五代史食貨志周顯德元年令侍臣通融食鹽地方
詔曰朕覽食末鹽州郡犯私鹽多於顆鹽界分蓋卑
涇之地易爲刮礪煎造豈惟違我權法兼又污我好
鹽況末鹽煎鍊般運費用倍於顆鹽今宜分割十餘
州令食顆鹽不惟輦運省力兼且少人犯禁自是曹
宋已西十餘州皆盡食顆鹽

宋史食貨志宋白削平諸國天下鹽利皆歸縣官官鬻
通商隨州郡所宜然亦變革不常而尤重私販之禁
宋史食貨志五代時鹽法太峻建隆二年始定官鹽闌

入法禁地貿易至十斤鬻鹹鹽至三斤者乃坐死民
所受蠶鹽以入城市三十斤以上者上請三年增闢
入至三十斤鬻鹽至十五斤坐死蠶鹽入城市百斤
以上奏裁自乾德四年後每詔優寬太平興國二年
乃詔闢入至二百斤以上鬻鹹及主吏盜販至百斤
以上蠶鹽入城市五百斤以上並黥面送闕下

宋史食貨志鬻海爲鹽曰京東河北兩浙淮南福建廣
南凡六路其鬻鹽之地曰亭場民曰亭戶或謂之竈
戶戶有鹽丁歲課入官受錢或折租賦皆無常數兩

浙又役軍士定課鬻焉諸路鹽場廢置皆視其利之厚薄價之盈縮亦未嘗有一定之制末鹽之直斤至自四十七至八錢有二十一等至道三年鬻錢總一百六十三萬三千餘貫

宋史食貨志其在兩浙曰杭州場歲鬻七萬七千餘石明州昌國東西監三十萬一千餘石秀州場二十萬八千餘石溫州天富南北監密鸚永嘉二場七萬四千餘石台州黃巖監一萬五千餘石以給本州及越處衢婺州

越州舊有鹽淵監歲鬻三千餘石後罷

天聖中杭秀溫台明

各監一溫州又領場三而一路歲課視舊減六萬八千石以給本路及江東之歙州

文獻通考開寶七年詔三司校諸州鹽麴市征課而殷最之令諸州知州判官兵馬都監縣令所掌鹽麴及市征地課等並親臨之月具籍供三司秩滿較其殷最欺隱者置於法募告者賞錢三十萬

玉海太平興國元年詔茶鹽權酷以開寶八年額爲定不得復增

通鑑長編宋初鹽鈔未行是時於建安軍置鹽倉乃令

眞州發運適李沆爲發運使運米轉入其倉空船回
皆載鹽散入江浙湖廣諸路各得鹽資船運而民力
始寬

文獻通考雍熙後以用兵乏饋餉令商人輸芻粟塞下
增其直令江淮荆湖給以顆末鹽

文獻通考端拱二年置折中倉聽商人輸粟京師優其
直給江淮茶鹽大學衍義補按此後世召商中納之
始

玉海消化三年命雷有終爲江淮兩浙制置茶鹽使張

觀薛映副之上欲更立新制初以趙昌言爲使昌言
極陳非便以有終代之

宋史太宗紀淳化四年五月罷鹽鐵戶部度支等使置
三司使七月置諸路茶鹽制置使

宋史張綸傳綸除江淮制置發運副使奏置鹽場於杭
秀海三州歲入課百五十萬

玉海至道二年十一月發運使楊允恭言淮南十八州
軍其九禁鹽餘不禁商人由海上販鹽官倍數而取
之至禁鹽地則上下其價今請悉禁遣吏主之詔知

制誥張秉與鹽鐵使陳恕等會議恕等言不可允恭
力請詔從之是歲收利巨萬

宋史眞宗紀至道三年罷鹽鐵度支戶部副使咸平六
年復鹽鐵度支戶部副使景德二年詔天下權利勿
增羨爲額

宋史食貨志東南鹽利視天下爲最厚鹽之入官淮南
福建兩浙之溫台明斤爲錢四杭秀爲錢六廣南爲
錢五其出視去鹽道里遠近而上下其估利有至十
倍者咸平四年祕書丞直史館孫冕請令江南荆湖

通商賣鹽緣邊折中糧草在京入納金銀錢帛則公私皆便爲利實多詔吏部侍郎陳恕等議恕等謂江湖官賣鹽蓋近鬻海之地欲息犯禁之人今若通商住賣官鹽立乏一年課額寃議遂寢

玉海大中祥符四年十月以江淮鹽價不等命三司與發運使李溥規定有司言慮失稅課帝曰苟便於民何顧歲入

玉海大中祥符九年十月詔曰山澤之禁慮傷厚斂令翰林學士李迪中丞凌策與三司同議茶鹽制度俾

園亭戶無失所商旅便興販百姓供用不置入中算射一依往例

宋史食貨志天禧初始募人入緡錢粟帛京師及淮浙江南荊湖州軍易鹽乾興元年入錢貨京師總爲緡錢一百十四萬會通泰嚮鹽歲損所在積貯無幾因罷入粟帛第令入錢久之積鹽復多明道二年參知政事王隨建言願權聽通商三五年使商人入錢京師又置折博務於揚州使輸錢及粟帛計直與鹽鹽一石約售錢二千則一十五萬石可得緡錢三十萬

以資國用一利也江湖遠近皆食白鹽二利也歲罷漕運糜費風水覆溺舟人不陷刑辟三利也昔時漕鹽舟可移以漕米四利也商人入錢可取以償亭戶五利也時范仲淹安撫江淮亦以疏通鹽利爲言卽詔知制誥丁度等與三司使江淮制置使同議皆謂聽通商恐私販肆行侵蠹縣官請勅制置司益漕船運至諸路使皆有二三年之蓄復天禧元年制聽商人入錢粟京師及淮浙江南荊湖州軍易鹽其入錢京師者增鹽予之并勅轉運司經畫本錢以償亭戶

詔皆施行

宋史仁宗紀天聖八年詔詳定鹽法明道元年廢杭秀二州鹽場

文獻通考仁宗時詔天下茶鹽酒稅取一歲中數爲額後雖羨益勿增毋得抑配人戶苛阻商旅

宋史食貨志景祐二年諸路博易無利遂罷而入錢京師如故康定元年詔商人入芻粟陝西並邊願受東南鹽者加數與之慶歷二年又詔入中陝東河東者持券至京師償以錢及金帛各半之不願受金帛者

予茶鹽香藥惟其所欲而東南鹽利厚商旅皆願得
鹽天聖九年三司請權貨務入錢售東南鹽以百八
十萬三千緡爲額後增至四百萬緡嘉祐中諸路漕
運不足權貨務課益不登於是卽發運使置官專領
運鹽公事治平中京師入緡錢二百二十七萬而淮
南兩浙福建江南荆湖廣南六路歲售緡錢皇祐中
二百七十三萬治平中三百二十九萬江湖運鹽旣
雜惡官估復高故百姓利食私鹽而並海民以魚鹽
爲業用工省而得利厚由是盜販者衆捕之急則起

爲盜賊江淮間雖衣冠士人徇於厚利或以販鹽爲事

宋史食貨志慶歷初制置司言比年河流淺涸漕運艱阻糜費益甚請量增江淮兩浙荆湖六路糴鹽錢下三司議三司奏荆湖已嘗增錢餘四路三十八州軍請斤增二錢或四錢詔俟河流通運復故旣而江州置轉運般倉益置漕船及雇客舟以運制置司因請六路五十一州軍斤增五錢民苦官鹽估高無以爲食諸路皆言其不便久之韓絳安撫江南還亦極言

之其後兩浙轉運使沈立李肅之奏官鹽估高故私販不止而官課益虧請裁官估罷鹽綱令鋪戶衙前自趨山場取鹽如此則鹽善而估平人不肯冒禁私售官課必溢詔可立嘗論東鹽利害條亭戶倉場漕運之弊集鹽策二十卷以進其言亭戶困乏尤甚然自皇祐以來屢下詔書輒及之命給亭戶官本皆以實錢其售額外鹽者給粟帛衣糧亭戶逋歲課久不能輸者悉蠲之所以存恤之意甚厚而有司罕有承順焉

宋史食貨志熙寧五年以盧秉權發遣兩浙提點刑獄
仍專提舉鹽事異時竈戶鬻鹽與官爲市鹽場不時
償其直竈戶益困秉先請儲發運司錢及雜錢百萬
緡以待償而諸場皆定分數錢塘縣楊村場上接睦
歙等州與越州錢清場等水勢稍淡以六分爲額楊
村下接仁和之湯村爲七分鹽官場爲八分並海而
東爲越州餘姚縣石堰場明州慈谿縣鳴鶴場皆九
分至岱山昌國又東南爲溫州雙穗南天富北天富
場爲十分蓋其分數約得鹽多寡而爲之節自岱山

以及二天富鍊以海水所得爲最多由鳴鶴西南及湯村則刮鹹淋滷十得六七鹽官湯村用鐵盤故鹽色青自湯村及錢清場織竹爲盤塗以石灰故色少黃石堰以東近海水鹹故雖用竹盤而鹽色尤白秉因定伏火盤數以絕私鬻自三竈至十竈爲一甲而鬻鹽地什伍其民以相譏察及募酒坊戶願占課額取鹽於官賣之月以錢輸官毋得越所酤地而又嚴捕盜販者罪不至配雖杖者皆同妻子遷五百里仍益開封府界京東兵各五百人防捕

宋史薛向傳監東京樞貨務連歲羨緡錢董沔議改河北便糴行鈔法向曰如此則都內之錢不繼茶鹽香象將益不售矣有司主沔議既而邊糴滯不行沔坐黜神宗知向材以爲江浙荆淮發運使綱舟歷歲久篙工利於盜貨嘗假風水覆溺以滅迹向募客舟分載以相督察官舟有定數多爲主者冒占悉奪昇州諸運皆詣曹受遣以地有美惡利有重輕爲立等式用所漕物爲誅賞

宋史食貨志時惟杭越湖三州格新法不行發運司劾

奏虧課皆獄治王安石爲神宗言捕鹽法急可以止刑久之乃詔兩浙提舉鹽事司諸州虧課者未得遽劾以增虧及違法輕重分三等以聞

宋史食貨志熙寧七年以盧秉鹽課雖增刑獄實繁慮無辜卽罪者衆徙其職淮南以江東漕臣張覲代之且體量其事覲言秉在事越州監催鹽債至有母殺子者詔劾其罪然竟免仍以增課擢太常博士升一資元祐初言者論秉推行浙西鹽法務誅剝以增課所配流者至一萬二千餘人秉坐落職

宋史食貨志兩浙鹽亭戶計丁輸鹽逋負滋廣元祐二年詔蠲之後更積負無以償元符初察訪使以狀聞有司乃以朝旨不行右正言鄒浩極疏其害明州鳴鶴場鹽課弗登撥隸越州宣和元年樓異爲明州請仍舊且於接近台州給舊鹽五七萬囊詔曰明州鹽場三昨以施置不善以鳴鶴一場隸越客始輻輳猶有二場積鹽以百萬計未見功緒此而不圖東欲取於越西欲取於台改令害法動搖衆情令狀析以聞宋史食貨志崇寧元年蔡京議更鹽法列七條一許客

用私船運致仍嚴立輒踰疆至夾帶私鹽之禁二鹽場官吏槩量不平或支鹽失倫次者論以徒三鹽商所繇官吏場務堰牐津渡等輒加苛畱者如上法四禁命吏蔭家貢士胥吏爲買匿請鹽五議貸亭戶六鹽價太低者議增之七措置官博盡利害以聞

宋史食貨志崇寧二年詔鹽舟力勝錢勿輪用絕阻遏且許舟行越次取疾官綱等舟輒攔阻者坐之遂變鈔法置買鈔所於權貨務定民間買鈔之價

宋史食貨志崇寧四年以算請鹽價輕重不等載定六

路鹽價舊價二十錢以上皆遞增以十錢東南末鹽欲折以金銀物帛者聽其便亭戶貸錢舊輸息二分者蠲之

宋史食貨志大觀四年侍御史毛注言崇寧以來鹽法頓易元豐舊制不許諸路以官船迴載爲轉運使之利許人任使用鈔請鹽般載於所指州縣販易用爲課額提舉鹽事司苛責郡縣以賣鹽多寡爲官吏殿最由是東南諸州每縣三等以上戶俱以物產高下勒認鹽數之多寡上戶歲限有至千緡第三等末戶

不下三五十貫籍爲定數使依數販易以足歲額稍或愆期鞭撻隨之實爲害之大者未幾張商英爲相議仍變通損益復熙豐之舊

玉海大觀四年閏八月修東南鹽法百餘條

宋史食貨志政和元年詔商旅願依熙豐法轉廊者許先次用三路新鈔算請往他所定價給賣優存兩浙亭戶額外中鹽斤增價三分已而張察均定鹽價視紹聖斤增二錢詔從其說

宋史食貨志政和元年議者謂異時鹽商於權貨務入

納轉廊惟視東南諸郡積鹽多寡鹽多則請鈔者衆所入亦倍其闕鹽地客不肯住在元豐時遠地須預備二年或三年次遠一年或二年最近亦半年及一年謂之準備鹽而後鈔法乃通紹聖時遵用舊制廣有準備故均價之後課利倍增宜嚴責轉運使般運準備鹽詔施行之

宋史食貨志政和元年議者復謂客人在京權貨務買東南末鹽者其法有二一日見錢入納一日鈔面轉廊今既許三路文鈔得以轉廊若更循舊制許以見

錢入納則客旅之錢當入於權貨而不入於兼并見
錢畱於京師客旅走於東南詔采用焉

宋史食貨志蔡京復用事大變鹽法罷官般賣令商旅
赴場請販已般鹽並封椿商旅赴權貨務算請先至
者增支鹽以示勸復置諸路提舉官商旅終以法令
不信爲疑算請者少乃申扇搖之令增賞錢五百緡
宋史食貨志崇寧間蔡京始變法俾商人先輸錢請鈔
赴產鹽郡授鹽欲囊括四方之錢盡入中都以進羨
要寵鈔法遂廢東南鹽禁加密犯法被罪者多大槩

常使見行之法售給才通輒復變易名對帶法季年
又變對帶爲循環循環者已買鈔未授鹽復更鈔已
更鈔鹽未給復貼輸錢凡三輸錢始獲一直之貨有
魏伯芻者京委信之專主權貨務政和六年鹽課通
及四千萬緡官吏皆進秩

通鑑長編政和七年詔曰昨改鹽法立賞至重抑配者
衆計口數及嬰孩廣數下逮馳畜使良民受斃比屋
愁歎悉從初令以利百姓三省具申嚴近制改奉新

鈔

東萊集徽宗時兩浙之鹽多有變更自蔡京秉政廢轉般倉之法使商賈入納於官自此爲鈔鹽法請鈔於京師商賈運於四方有長引短引限以時日各適所適之地遠近以爲差蔡京專利罔民所以鹽法數十日一變鹽法既變則鈔鹽亦不可用商賈既納錢之後鈔皆不用所以商賈折閱甚多此海鹽之一變也舊兩浙鹺志舊制授人以鹽而徵錢謂之蠶鹽熙寧五年因漕臣陳知儉言乃罷之第令輸錢七年復詔折以糧者三等戶以下許代錢元祐初乃詔給散初東

南歲制卽不欲鹽計其歲輸價直六分如京東之制
政和二年慮州縣抑民詔淮浙支俵蠶鹽去處依市
賣客鹽價其丁口鹽錢亦依上件指揮散納中興後
亦不復散鹽而差損民間所納之數

宋史食貨志紹興元年詔臨安府秀州亭戶二稅依皇
祐法輸鹽立監官下察亭戶私煎及巡捕漏泄之法
宋史高宗紀紹興二年提轄樵貨務張純浚立淮浙鹽
法增其算**宋史食貨志**二年九月詔淮浙鹽令商人
每帑貼輸通貨錢三千已算請而未售者亦如之十

日不自陳如私鹽律十一月詔淮浙鹽以十分爲率
四分支今降旨符以後文鈔四分支建炎渡江以後
文鈔先是呂頤浩以對帶法不可用令商人貼輸錢
至是復以分數如對帶法

宋史高宗紀紹興三年減淮浙蠶鹽錢四年正月增淮
浙路鹽鈔貼納錢九月減淮浙路鹽鈔所增貼納錢
宋史食貨志四年正月詔淮浙鹽鈔錢每帑增貼輸
錢三貫並計綱輸行在九月以入輸遲綱減所添錢
然自建炎三年改鈔法及今所改凡五變而建炎舊

鈔支尚未絕乃命以先後并支焉

朝野雜記東南鹽行於江淮舊爲江湖六路漕計蔡京爲政始行鈔法取其錢以贍中都自是淮浙鹽則官給亭戶本錢諸州置倉許商人買鈔算請舊淮浙鹽息歲八百萬緡紹興初才三十五萬緡而已後朝廷益修其政至紹興末年東南歲產鹽二萬七千八百六十萬斤每五十斤爲一石六石爲一帑鈔錢十有八千紹興四年正月增三千九月以入納遲請罷之文獻通考紹興六年趙鼎奏久不變法建康日納鹽錢

甚盛上曰法既可信自然悠久

宋史葉衡傳紹興時鹽課大虧衡奏年來課入不增私鹽害之也宜自鬻鹽之地爲之制司火之起伏稽竈之多寡亭戶本錢以時給之鹽之委積以時收之擇廉能吏察之私販自絕矣仍命措置官三人淮南於通州浙東於明州浙西於秀州

宋史高宗紀紹興十三年蠲浙西貧民逋負丁鹽錢九月均科處州丁鹽錢二十八年正月遣戶部郎中莫濛等檢淮南浙西江東沙田蘆場六月增浙西江東

淮東沙田蘆場租課置提領官田所掌之二十九年
二月庚辰禁諸州科賣倉鹽癸未蠲沙田蘆場爲風
水所侵者租之半六月罷江浙淮東沙田蘆場所增
稅課

玉海紹興二十一年七月二十八日宰臣上鹽法勅令
格式并目錄續降指揮共一百五十五卷

茶鹽二書
共二百六

十卷冊先是八年七月陳康伯請編
成一書詔以紹興編類茶鹽法爲名

玉海紹興三十二年鹽額浙西路秀州有鹽場十平江
四臨安十浙東路紹興府有場四明州有場六台州

三溫州五

宋史孝宗紀乾道六年詔以沙田蘆場歲收租稅六十餘萬緡入左藏南庫

舊兩浙巉志淳熙初給諸路鹽本詔曰節聞勘會諸路鹽場昨緣不依時支散本錢及有減剋之類致有歲額不敷去處累降指揮約束尚虞奉行不虔仰諸路提舉司常切遵守約束所部須管依時支給不得減列如有違戾許亭戶越訴將當職官吏按劾以聞

宋史食貨志淳熙八年詔住賣帶賣積鹽以朝廷徒有

帶賣之名總所未免有借撥之弊故也

朝野雜記淮浙鹽額最多者泰州歲產鹽一百六十一萬石嘉興八十一萬石慶元三十九萬石淮浙鹽一場十竈每竈煎鹽晝夜六盤一盤三百斤遇雨則停
淳熙末議者謂總轄甲頭權制亭竈兜請本錢恣行刻剝懼其赴愬縱令私煎且如一日雨乃妄作三日
申若一季之間十日雨則一場私煎三十六萬斤矣
而又有所謂鑊子鹽亭戶小火一竈之下無慮二十
家家皆有鑊一家通夜必煎兩鑊得鹽六十斤一竈

二百家以一季計之則鑊子鹽又百餘萬斤矣一場之數旣如此諸路可知十三年九月遂罷總轄令亭戶自請本錢焉

宋史食貨志孝宗乾道六年戶部侍郎葉衡奏今日財賦鬻海之利居其半年來課入不增商賈不行皆私販害之也且以淮東兩浙鹽出入之數言之鹽額淮東之數多於兩浙五之一以去歲賣鹽錢數論之淮東多於兩浙三之二及以竈之多寡論之兩浙反多淮東四之三蓋兩浙無非私販故也望遣官分路措

置

宋史寧宗紀紹熙五年卽位蠲兩浙路丁鹽身丁錢一
年慶元六年五月除茶鹽賞錢嘉定三年遣朝臣二
人往兩浙與提舉官議收浮鹽四年禁兩浙福建州
縣科折鹽酒七年除兩浙路茶鹽賞錢八年蠲臨安
府茶鹽賞錢

海鹽澈水志鮑郎鹽場東亭元五竈南亭四竈緣東亭
人貧額重南亭人多盤少嘉定十四年十二月申明
倉臺移東亭一盤南亭添作五舍東亭減作四舍

文獻通考 寧宗慶元元年二月詔循環鹽鈔住罷將增
剩鈔名改作正支文鈔給算與日前已投在倉通理
資次支散以淮東提舉陳損之言循環增剩兩等文
鈔據客人稱循環鈔多有弊蓋自宣和間客人先買
一鈔卻更重買一鈔其先鈔號爲舊鈔而重買謂之
新鈔舊鈔可以攙支重買復爲舊鈔如此循環實商
賈之利也乞截日住罷只用一色增剩鈔支請於是
富商巨賈有頓爲貧民者矣嘉泰四年十二月詔支
客鹽並以舊鈔七分新鈔三分以舊鈔理資次

宋史食貨志寶慶二年監察御史趙至道言產鹽固藉於鹽戶鬻鹽實賴於鹽商故鹽戶所當存恤鹽商所當優潤慶元之初歲爲錢九百九十萬八千有奇寶慶元年止七百四十九萬九千有奇乃知鹽課之虧實鹽商之無所贏利爲今之計莫若寬商旅減征稅庶幾慶元鹽課之盛復見於今日矣從之

宋史食貨志紹定元年以侍御史李知孝言罷上虞餘姚海塗地刵立鹽竈

宋史理宗紀紹定二年詔台州水災除民田租及茶鹽

酒酤諸雜稅郡縣抑納者監司察之

宋史全文端平二年都省言淮浙歲額鹽九十七萬四千餘帑近二三年積虧一百餘萬帑民食貴鹽公私俱病詔三路提舉茶鹽司各置主管文字一員專以興復鹽額收買散鹽爲務歲終尚書省課其殿最

宋史食貨志淳祐元年臣僚奏南渡立國專仰鹽鈔紹興淳熙率享其利嘉定以來二三十年之間鈔法或行或罷而浮鹽之說牢不可破其害有不可勝言者望付有司集議孰爲可行孰爲可罷天地之藏與官

金史卷一百一十五
食貨志五
民共之豈不甚盛從之

文獻通考 淳祐五年殿中侍御史鄭案乞括淳祐初創
糴本鹽可以資糴又省造楮從之

宋史食貨志 寶祐五年殿中侍御史朱熠言環海之湄
有亭戶有鍋戶有正鹽有浮鹽正鹽出於亭戶歸之
公上者也浮鹽出於鍋戶鬻之商販者也正鹽居其
四浮鹽居其一端平初分置十局以收買浮鹽十餘
年來鈔法屢更公私俱困正鹽視昔猶不及額尚何
暇爲浮鹽計耶纍纍竈戶列處沙洲日藉銖兩之鹽

以延旦夕之命今商賈旣不得私販朝廷又不與收買則是絕其衣食之源矣爲今之計莫若遵端平之舊式收鍋戶之浮鹽所給鹽本當過於正鹽之價則人皆與官爲市所得鹽息徑輸朝廷一以絕戎閫爭利之風一以續鍋戶烹煎之利從之

宋史理宗紀開慶元年詔給還浙西提舉常平司歲收上亭戶沙地租二百萬永勿復徵

宋史孫子秀傳通判慶元府主管浙東鹽事先是諸場鹽百帑附五帑名五釐鹽未幾提舉官以爲正數民

困甚子秀奏蠲之與丞相丁大全議不合開慶元年
爲浙西提舉常平先是大全以私人爲之盡奪亭民
鹽本錢充獻羨之數不足則估籍虛攤一路騷動子
秀還前正鹽本錢五千餘萬貫又奏省華亭茶鹽分
司官定衡量之非法多取者於是流徙復業

續文獻通考度宗咸淳四年正月陳宜中奏鹽法抑配
之害比年以來越界有禁鹽之滯者無所泄鈔之增
者不復除重以銀價倍蓰綱解迫促鹽司徧追鈔戶
多致抑賣繼責諸吏立限倍輸食鹽之戶口不加多

日納之銀錢不加少鈔戶殞身蕩產不足填償諸吏
剝牀及膚肆行抑配分鄉置局計口敷鹽雜以灰泥
減其斤兩沿門強委剋日責償前欠未銷後逋踵至
甚至按挾煎熬誣以私販棄抑人家訐爲私鬻攤執
徧及於溫飽科罰不問其是非昨者臺臣嘗以計口
食鹽之害爲言弊端紛如未易頓革欲乞下監司痛
行禁戢從之

宋史恭宗紀德祐元年詔復茶鹽市舶法

欽定重修兩浙鹽法志卷十九終